

III. OUTRAS DISPOSICIÓNS**CONSELLERÍA DE EMPREGO, COMERCIO E EMIGRACIÓN**

RESOLUCIÓN do 25 de febreiro de 2026, da Secretaría Xeral da Emigración, pola que se amplía o prazo de presentación de solicitudes da Resolución do 12 de xaneiro de 2026, da Secretaría Xeral da Emigración, pola que se establecen as bases reguladoras do Programa de obradoiros de folclore, artesanía, cociña galega e seminarios de cultura galega en entidades galegas do exterior, e se procede á súa convocatoria para o ano 2026 (código de procedemento PR923C).

Mediante a Resolución do 12 de xaneiro de 2026 (DOG núm. 16, do 26 de xaneiro), reguláronse e convocáronse as subvencións correspondentes ao programa de obradoiros de folclore, artesanía, cociña galega e seminarios de cultura galega en entidades galegas do exterior para entidades galegas do exterior para o ano 2026.

No artigo 9 da devandita resolución establécese un prazo dun mes, contado a partir do día seguinte ao da publicación da resolución no *Diario Oficial de Galicia*, para a presentación de solicitudes, prazo que remata o vindeiro día 26 de febreiro.

As especiais circunstancias socio-políticas e económicas concorrentes actualmente nos países onde residen a maioría das persoas da colectividade galega no exterior están provocando grandes dificultades a esas persoas para poder reunir a documentación.

Así, tendo en conta estas dificultades para a presentación da documentación e que o número de potenciais beneficiarios é limitado e coñecido pola Secretaría Xeral da Emigración resulta aconsellable, para promover e facilitar a súa participación neste procedemento, ampliar o prazo de presentación de solicitudes previsto na convocatoria.

Con carácter xeral, o artigo 32 da Lei 39/2015, do 1 de outubro, do procedemento administrativo común das administracións públicas (LPACAP), prevé a posibilidade de que a Administración poida conceder unha ampliación dos prazos establecidos se as circunstancias o aconsellan e con iso non se prexudica dereitos de terceiras persoas, por un período que non exceda a metade dos ditos prazos. Os acordos sobre ampliación non serán susceptibles de recurso.

Por todo o anterior, sobre a base dos requisitos e condicións previstos na normativa anteriormente citada,

CVE-DOG: 5auifpu9-m310-gow4-jnt0-0ihutbe8nce0



RESOLVO:**Artigo único. *Ampliación do prazo de presentación de solicitudes***

Ampliar o prazo de presentación de solicitudes previsto no artigo 9 da Resolución do 12 de xaneiro de 2026, da Secretaría Xeral da Emigración, pola que se establecen as bases reguladoras do Programa de obradoiros de folclore, artesanía, cociña galega e seminarios de cultura galega en entidades galegas do exterior, e se procede á súa convocatoria para o ano 2026 (código de procedemento PR923C), ata o 13 de marzo de 2026, inclusive.

Santiago de Compostela, 25 de febreiro de 2026

Antonio Rodríguez Miranda
Secretario xeral da Emigración

CVE-DOG: 5auifpu9-m310-gow4-jnt0-0ihutbe8nce0

